

1 तीमुथियुस

1 पौलुस केर ओर ते जउन हमार उद्धारकरता परमेसुर अउर हमार आसा, आधार, मसीह यीसु केर आग्या ते मसीह यीसु का परेरित रहा, तीमुथियुस कइ नाम जउने विसवासु मा हमार सच्चा बेटवा रहै।
²बाप परमेसुर अउर हमार परभु मसीह यीसु ते तोहका अनुग्रह अउर दया तथा सान्ती मिला करै।

चेतावनी झूठे सिच्छकन केर खातिर

³जइसन हम मकदूनिया मा जात समय तोहका समझाये रहेन कि इफियुस मा रहिके केतनन क आग्या देय कि अउरन परकार केर सिच्छा न देवा करै।⁴अउर उन जइसन कहानिन अउर अनन्त बंसावलियों पर मन न लगावा करै, जेहिने बवाल होइ जात है। अउर परमेसुर केर वह परबन्ध केर माफिक नाहीं रहत है, जवन बिसवास मा सम्बन्ध राखत हवय। वइसइ हम फिर भी कहित है।⁵आग्यां केर मतलब ई हवय कि सुद्ध मन अउर अच्छा विवेक अउर कपट रहित विसवासु मा पिरेम उपजत है।⁶एहि का छोड़ि केर कितने जने पलटि केर झंझट मा उलझगे हवय।⁷अउर बेवस्था विधि तो बना चाहत हैं अउर जउन बाति कहेन अउर जिन पइ जोर देइके बोलत हैं, उनका समझत तो नाहीं है।

⁸हम सबै जानित हैं कि यदि हम सभै बेवस्था केर रीति पे काम मा लावा जाय तो ऊ अच्छा है।⁹ई जानि केर कि बेवस्था केर बनाववा जाव धारमिक लोगन खातिर नाहीं हवय मुला अधरमिन, निरंकुस, भक्तिहीन, पापिन, अपवित्तर, असुद्ध अउर माता बाप कइ घात करै वालेन अउर हत्यारन केर खातिर हवय।¹⁰वेभिचारी, मनईगामी, मनईन का अपहरन करै वालेन, झूठ अउर झूठी किरिया खायै वालेन अउर एनका छोड़ि केर खरे उपदेसु अउर यीसु केर सँदेसु का सब विरोधिन खातिर ठहराइगै हवय।¹¹इहै परम धन्य परमेसुर केर महिमा का वह सुसमाचार केर मुताबिक हवय

जउन हमका दीन गवा है।

परमेसुर दुआरा पौलुस पै अनुग्रह

¹²अउर हम अपने परभु मसीह यीसु केर धन्यवादु देइत हैं कि जे हमका सामरथ दिहिन अउर हमका विसवासु योग समझि केर अपनी सेवा मा लगाइन।¹³हम तउ पहिलेइ यीसु निन्दा करै वालेन, सतावै वोलन, अउर अंधेर करै वालेन मा ते रहेन, फिर भी हम पै उनके दया भई। काहे का, हम अविस्वासु मा पड़ि केर बिना समझे—बूझे ई काम करत रहेन।¹⁴अउर हमरे परभु केर दया, वह बिसवासु अउर परेम केर साथ जउन मसीह यीसु मा हवय, बहुत अधिक मातरा मा भवा।

¹⁵ई बात सही अउर हर परकार ते माने केर योग्य हवय कि मसीह यीसु पापिन केर उद्धार करै खातिर जगत मा आइन, जेहिमा सबसे बड़ा हम हन।¹⁶काहे ते हम पर एहि खातिर दया भवा कि हम सबसे बड़े पापिन या यीसु मसीह सबर दिखाइन कि जे जनै यह पर अनन्त जीवनु खातिर बिसवासु करिहैं, उनकरि खातिर हम एक नमूना बनीं।¹⁷अब सनातन राजा अरथात् अविनासी बिन दयाखै, अदुवैत, परमेसुर केर आदर—बड़ाई अउर महिमा चिरकालु तक होत रहै। आमीन।

¹⁸ओ बचवा, तीमुथियुस, उन भविसवानी केर मुताबिक जउन पहिलेइ तोहरे बारे मा बात भई रही, हम ई आग्या देइत हैं कि तू उइ केर मुताबिक कठिन लड़ाई लड़ा रहौ।¹⁹विसवासु अउर विवेक का न छाड़ेव जेहिका दूर करै केर कारन केनिन का विसवासु रुपी जहाज बूड़िगै।²⁰उहिमा ते हुमनियुस अउर सिकन्दर हवय, जेहिका हम सैतान का सउपि दिहिन, इह खातिर की ऊ सभै निन्दा करब न सीखैं।

आराधना केर निरदेस

2अब हम सबसे पहिले ई उपदेसु देइत हइ कि बिनती, पराथना अउर निवेदनु, अउर धन्यवादु

सबकी खातिर कीन जाय। ²राजा अउर सबहि ऊपर ओहदा, वालेन केर खातिर कि हम, सगरी जीवन बिसराम अउर चैन केर साथ भगती अउर गम्भीरता ते बितावै। ³ई हमरे उद्धारकरता परमेसुर का अच्छा लागत है अउर एहिका पसन्द भी करत हैं। ⁴ऊ ई चाहत है कि सब लोगन केर उद्धार होय, अउर सत्य का भलीभांति पहिचानै। ⁵काहेकि, परमेसुर एकइ बातें अउर मनईन केर बीच मा एक विचौलिया हइ। कहै का मतलब ई है कि यीसु मसीह जउन एक मानव हय। ⁶जउन अपन का सबके छुड़ावै केर दाम मा दै दिहिन ताकि वहिका साखी ठीक समय पइ दीन जाय। ⁷हम सच कहित हइ, झूठ नाही बोलित है कि हम एहिकारन ते परचारक अउर परेरित अउर जातिन केर खातिर विसवासु तथा सत्य का उपदेसक ठहरावा गै हइ।

⁸ई हम चाहित है कि सब जगहन पै आदीम बिना गुस्सा अउर झंझट केर पवितर हाथन का उठाइके पराथना कीन्ह करै।

⁹वइसेइ तौ अउरतन संकोच अउर संयम ते नीक सुन्दर कपड़न ते अपन को संजोवै, ई नाही कि बाल संवारे अउर सोने, मोती तथा कीमती कपड़न ते मुला अच्छे कामन ते भी अपने को संवारे। ¹⁰काहे ते परमेसुर केर भक्ति गरहन करै वाली अउरतन का इहै ठीक भी हय।

¹¹अउर अउरतन का चुपचाप पूरी अधीनता ते सीखे का चाही। ¹²अउर हम कहित है कि अउरतन उपदेसु करै अउर न मनईन पै हुकुम चलावै मुला चुपी साधै रहै। ¹³काहे कि मनई पहिले उइके बाद मा हव्वा बनाई गई। ¹⁴अउर आदम का बहकाव न गै मुला अउरत बहकावा मा आइके अपराधिन होइ गई। ¹⁵इह पै भी लरिके जनै करने केर बाद उद्धार पइहै, अगर उइ संयम बरतै, विसवासु, पिरेम अउर पवितरता बनी रहै।

परधान अउर सेवक

3ई बात सही है कि जउन परधान होना चाहत है, तऊ ऊ अच्छे काम केर इच्छा करत है। ²ई चाही कि परधान निरदोस अउर एकै एकै मेहरारू के मनसेधू संयमी, सुसील, सभ्य, पहनई करै वाले अउर सिखावै मा माहिर होय। ³पियक्कड़ या मारपीट करै वालेन होय, वरन् कोमल सुभाव केर होय अउर झगड़ालू तथा लालची न होय। ⁴अपने घर केर अच्छी परबन्ध करै वाला होय अउर बाल बच्चन, का भारी भरकम होइके मातहत राखत होय। ⁵जब

कोऊ अपन ही घर केर परबन्ध करै नाही जानत तउ परमेसुर केर कलीसिया केर रखवारी कइसे करिहै। ⁶फिर ई नवा चेला न होय, अइसन न होय कि घमंड कइके सैतान जइसन सजा पावै। ⁷अउर बाहर वालन मा उनके अच्छा चरचा होय अइसन नाही कि निन्दिते होइके सैतान केर फंदन मा फंसि जावै।

⁸वइसे तौ सेवकनौ का गम्भीर होवै केर चाही। दुरंगी, पियक्कड़ अउर नीच कमाई केर लालची न होय। ⁹मुला विसवासु केर भेद का सुद्ध विवेक ते संजोय राखै। ¹⁰अउर एका पहिले परिखा जाय, वहिके बाद यदि निरदोस निकरै तो सेवक का काम करै।

¹¹इह परकार ते अउरतन का भी गम्भीर होवै का चाही, दोस लगावै वालिन न होय, मुला सचेत रहे अउर सब बातन मा विसवासु लायक होय।

¹²सेवक एकै मेहरारू केर पति होय अउर लरिके वालै तथा अपने घर का अच्छा परबन्ध करै जानत होय। ¹³काहे ते, जउन सेवक का काम अच्छी तरह ते कइ सकत है, उहै अपने खातिर बड़िया ओहदा अउर वह विसवासु मा जउन मसीह यीसु पै हय बहुत ही हिम्मत पावत है।

¹⁴हम तोहरे पास जल्दी आवइ केर आसा कइके भी ई बात तूहें यह नाते लिखित है। ¹⁵कि अगर हमका आवै मा देर होइ जाय, तउ तू जानि लेव कि परमेसुर केर घर जउन जीयत परमेसुर केर मंडली हय अउर जउन सत्य केर खम्भा अउर नींव हय उहिमा कइसन बेवहार करै का चाही। ¹⁶अउर इहमा सन्देह नाही कि भक्ति केर भेद गम्भीर हय, कहै केर मतलब ई हय कि जउन दयांह मा परगत भवा, आतमा मा धरमी ठहरा, सरग दूतन का देखाय पड़ा, अउर जातिन मा उहिका परचार भवा संसार मा वह पै विसवासु कीन्ह गै अउर महिमा मा ऊपर उठावा गवा।

आग्या निरदेस तिमुथी केर खातिर

4मुला आतमा साफ—साफ कहित है कि आवै वाले समय मा केतने जन भरमावै वालेन आतमाओं अउर दुस्त आतमाओं की सिच्छा पै मन लगाइ केर विसवासु ते बहकि जइहै। ²ई वह झूठे मनइन केर कपट केर कारन होइ है, जिनका विवेक मानौ जरत भए लोहे ते दागा गवा है। ³जउन बियाह करै ते रोकिहै अउर भोजन केर कुछ चीजन ते परे रहै वा आग्या देइहै, जेहिका परमेसुर इह खातिर बनाइन कि विसवासी अउर सत्य का पहिचाने वाले उइका

धन्यवादु केर साथ खावै।⁴काहे ते परमेसुर केर पैदा कीन गै हर चीज नीक हय अउर कउनो चीज इनकार करै लायक न हय, मुला ई धन्यवादु केर साथ खाई जाय।⁵काहे ते परमेसुर कइ वचन अउर पराथना ते सुद्ध होइ जात है।

⁶अगर तू भाइन का यह बातन केर सुधि दिलावत रहियो, तौ मसीह यीसु केर नमूनेदार सेवक ठहरिहौ। अउर विसवासु तथा उन बढियां उपदेस केर बातन ते, जउन तू मानत आय, अइसे तुम्हार पालन—पोसन होत रही।⁷मुला असुद्ध अउर बुढियन, केर भाति कहानिन ते परे रहो। अउर भक्ति केर खातिर आपन साधन करौ।⁸काहे का देह केर साधना किहे ते कम लाभ होत है, मुला भक्ति सब बातन मा फायदेमंद हय, काहे ते इह समय का अउर आवै वाले जीवन केर भी परतिग्या यही खातिर हय।

⁹अउर ई बात सच अउर हर परकार ते माने केर लायक हवै।¹⁰काहे ते हम परिसरम अउर जतन यही खातिर करित है कि हमार आसा वह जीवित परमेसुर पै हय जउन सब लोगन केर अउर विसेस रूप ते उन विसवासिन लोगन केर उद्धारकर्ता हवै।

¹¹यह बातन केर आग्या करौ अउर सिखावत रहौ।¹²केइ तुम्हरी जवानी का तुच्छ न समझि पावै, मुला बात करै मा चाल—चलन, परेम—विसवास अउर पवित्तरता मा विसवासिन केर खातिर नमूना बनौ।¹³जब तक हम न आउब तब तक पढ़व अउर उपदेस सिखावै मा लगा रहौ।¹⁴वह वरदान ते जउन तुम मा हय अउर भबिसवानी केर दुआरा पूर्वजन केर हाथ राखत समय तोहिका मिला रहा, निस्चिन्त होइके चुपचाप न बइठो मुला।

¹⁵यह बातन का सोचा करौ अउर वहिमा आप ध्यान लगाये रहौ जिससे कि तुम्हार उन्नति सब पै मालूम होइ जाय। आप अउर अपने उपदेसन पै रखवारी करत रहौ।¹⁶ई बातन पै स्थिर रहौ, काहे ते अगर अइसन करत रहिहौ तो तुम आपन अउर अपने सुनै वालेन केर खातिर भी उद्धार केर कारन बनिहौ।

विधवाओं, बड़े बूढ़ों अउर गुलामों को सलाह

5कोई बूढ़ मनई का न डाटो मुला उनका बाप जानिके समझाय देव अउर जवानन क भाई जानिके अउर बूढ़ी अउरतन का बहिन जानिके समझाओ।²अउर जवान अउरतन का पूरी पवित्तरता ते बहिन जानिके समझाय देव।

³उइ विधवावन अउरतन का जउन सही माय विधवा बांतिन, उनका आदर करौ।⁴अउर अगर

कउनो, विधवा केर लरिके वाले या नाती—पोते होय तो उइ पहिले अपने घराने केर साथ भक्ति केर बरताव करै, अउर अपने माता—बाप केर उनकै हक देवइ क सीखें। काहे ते ई परमेसुर का अच्छा लागत है।⁵जउन सही मा विधवा है, अउर उइके केहू नाई है ऊ परमेसुर पे आसा राखति हइ, अउर रातो—दिन विनती अउर पराथना मा लागी रहति हइ।⁶मुला जउन भोग—विलासन मा पड़ि गइन, ऊ जीते जी मरि गई हन।⁷ई बातन केर भी आग्या देवा करौ जेहिते ऊ सब निरदोस रहै।⁸पर यदि कउनउ अपने आप की और विसेस रूप ते अपने घराने केर चिन्ता—फिकर न करै तउ समझौ कि ऊ विसवासु ते मुकर गैहन अउर अंध नास्तिक ते भी बुरा होइगै।

⁹उहे विधवा केर नाम लिखि जाय, जउन साठि बरस ते कम उमर केर न होय, अउर एकै मनसेधू केर औरत रहिन होय।¹⁰अउर भले काम मा अच्छा नाम कीन्ह होय, जे लरिकन का लालन—पालन कीन्ह होय, पहुनन केर सेवा कीन होय, पवित्तरन का चरन धोई होय, दुखियन केर मदद करिन होय अउर भले काम मा मन लगाइन होय।

¹¹मुला जवान विधवा केर नाम न लिखौ, काहे कि जब ऊ मसीह केर विरोध कइके सुख विलासन मा पड़ि जाति है तौ ब्याह कीन चाहति है।¹²अउर दोसी बनि जाति है, काहे कि ऊ अपने पहिले विसवासु का छोड़ि दिहिन।¹³अउर एहिके साथे साथ ऊ घर—घर घूमि केर कामचोर होय सीखै लागति है अउर केवल औरन केर काम मा हाथ डालति है, अउर फालतू बातन का बोलति है।¹⁴हइ खातिर हम ई चाहति है कि जवान विधवा बियाह करै, अउर बाल—बच्चे पैदा करै अउर आपन गृहस्थी सम्हारै, अउर कउनो विरोधिन का बदनाम करै केर मौका न देवा करै।¹⁵काहे कि कितने जने तौ वहकि केर सैतान केर पीछे होइ चुकी हन।

¹⁶अगर कउनउ विसवासिन केर हियां विधवा होय तौ उनके मदद करै कि कलीसिया पै बोझ न होय जेहिते ऊ उनके मदद केर सकै। जे सचमुच विधवा हन।

¹⁷परखे नीक परबन्ध करत हवै विसेस रूप ते ऊ लोग जे वचन सुनावै अउर सिखावै मा मेहनत करत हंय, वे सब दुइ गुना आदर केर लायक समझा जाय।¹⁸काहे का पवित्तर सास्त्र मा लिखा हय कि दंवरी वालेन बैलन का मुह न बांधों, काहे का मजूर अपने मजूरी केर हक्कदार होत है।¹⁹कउनउ दोस केहू पुरनिया पै लगावा जाय तौ

बिना दुइ या तीनि गवाहन केर वहिका न सुनौ।
²⁰पाप करै वाले का सबके समनवै समझाइ देव
जाहे कि अउर जने भी डरा करै।

²¹परमेसुर अउर मसीह यीसु अउर चुने गये सरग
दूतन का उपस्थित जानि कै हम तुमका ई चेतावनी
देइत हैं कि तुम मन खोलिके ई बातन का माना करौ,
अउर कउनउ काम एक तरफा न किया करौ।

²²कउनउ पइ जल्दी हाथ न राखउ अउर दूसरन
केर पाप केर भागी न बनौ, अपने आपका पवित्र
बनाय रखौ।

²³भविस मा खाली पानी पीये वाला न रहो, मुला
अपने पेट का अपने हरदम बीमार होवे केर कारन
थोड़ा दाखरस भी काम मा लावा करौ।

²⁴कितनेइ मनईन कइ पाप खुल जात हइ, अगर
उइ न्याय खातिर पहिलेइ पहुँच जात हैं पर केतनन
केर पीछे ते आवत हैं।²⁵वइसइ केतनेइ नीक काम
भी परगट होत हैं अउर जउन अइसन नाहीं होत तौ
ऊ भी छिप नाहीं सकत।

6जउन दास लोग गुलामी मा हएन, ऊ अपने-अपने
मालिक का बड़े आदर केर जोग जानें, जेहिते
परमेसुर केर नाम अउर उपदेसु केर निन्दा न होय।
²अउर जिनके मालिक विसवासी एहन, इनका ऊ
भाई होये केर नाते नीच न जानौ, मुला उनके
आदर अउर सेवा करौ काहे कि यह लाभ उठावै
वाले विसवासी अउर पिरेमी हंय इन बातन का
उपदेस दिया करौ अउर समझावा भी करौ।

रुपये अउर पइसे मा पिरेम

³अगर कोऊ अउरन परकार केर उपदेसु देत हएन,
अउर खरी बातन का यानी हमरे परभु यीसु मसीह
केर बातन का अउर वह उपदेसन का नाहीं मानत,
जउन भक्ति केर मुताबिक हय।⁴तउ ऊ घमंडी
होइगे, अउर कुछ नाहीं जानत हैं मुला वहिके विवाद
अउर सब्दन पै बहसि करै का रोग हय, जेहिते डाह
अउर झगड़े अउर निन्दा की बातन तथा खराब-खराब
संका पैदा होत है।⁵अउर उन लोगन मा बेकार मा
किचकिच-झिक्झिक् पैदा होते हैं, जेहिके बुद्धि भरस्ट
हो गै हय, अउर ऊ सत्य ते दूर होइगे हय, जउन
समझत है कि भगती बड़ी कमाई केर साधन हय।

⁶मुला खबर केर साथ की गई भक्ति बड़ी कमाई
हय।⁷काहे कि न हम संसार मा कुछ लाये हएन

अउर न कुछ लइ जाय सकित है।⁸अउर अगर हमरे
पास खाए अउर पहिने का होय तो यही पै सबर करै
का चाही।⁹मुला जे धनी हुआ चाहत हैं ऊ अइसन
परिच्छा परलोभन अउर बहुत ते बियर्थ अउर मूरखता
लालच मा फंसि जात है जेहिसे मनई बिगड़ि जात
है। अउर विनास केर समुन्दर मा बूड़ि जात है।
¹⁰काहे ते रुपया लालच मा सब परकार केर बुराइन
केर जरि हय, जेहिका पावै केर धुन मा कितने जने
विसवास ते भटकिके केर अपने आपका अनेक परकार
केर दुखन ते छलनी बनाय लिहिन।

पौलुस केर काम तिमोथी कै

¹¹मुला हे परमेसुर केर भगत, इन्ह बातन ते भागौ,
अउर धरम, भक्ती, विसवासु, परेम, धीरज, अउर
नमरता केर पीछा करौ।¹²विसवास केर कठिन कुसती
लड़ौ अउर उन अनन्त जीवन का धरौ जेहिका खातिर
तोहिका बोलावा गवा, अउर बहुत गवाहन केर सामने
बढ़ियां गवाही दीन रहौ।¹³हम तोहिका परमेसुर का,
जे सबका जीवित राखत है, अउर मसीह यीसु का
गवाह कइके जे पुन्तियुस, पीलातुस केर सामने
बढ़ियां गवाही दीन रहा। ई आग्या देइत है।¹⁴कि
तुम हमरे परभु यीसु मसीह कै परगट होवै तक ई
आग्या का बेदाग अउर निरदोस राख्यो।¹⁵जेहिका
ऊ ठीक समय मा दिखे हैं जे परम धन्य अउर
अद्वैत अधिपति अउर राजा-महाराजन अउर परभुओं
केर परभु हय।¹⁶अउर अमरता समपूरन उन्हीं केर
हय, अर ऊ अभेद जोतिन मा रहत हैं अउर न
उन्हें कउनऊ मनई देखिस, अउर न कबहू देखि
सकत हैं। उनके परतिस्था अउर राज-चिरकाल
तक रही। आमीन।

¹⁷ई संसार केर धनवानन का आग्या देव कि ऊ
घमंडी न होय अउर चंचल धन पै आसा न राखै
मुला परमेसुर पै जे हमरे सुख केर खातिर सब कुछ
बहुतायत मा देत हैं।¹⁸अउर भलाई करै, भले काम
मा धनी बनै अउर दानी अउर सहायोग देवे मा तत्पर
होय।¹⁹अउर आगे खातिर एक खजाना जुटावें कि
सत्य जीवन का बढ़िया आधार होई सकै।

²⁰हे तिमथियुस ई धरोहर केर रखवारी करौ अउर
जेहि ग्यान का ग्यान कहब ही भूलै हय, उनके
असुद्ध बकवास अउर विरोध की बातन ते दूर रहौ।
²¹कितने मनई ई गियान का मानिके विसवासु ते
भटकिके हवै, तोहि पै किरपा होत रहै।